

Cerisiers et Lesquenois preceptor necnon dicti ordinis procurator^a generalis etcetera, et Racellus de Auro, Ianuensis preceptor dicti ordinis^a, reverendissimi in Christo patris et domini, domini fratris Anthonii Fluuiiani, Dei gratia sacre domus hospitalis ordinis predicti magistri pauperumque custodis, necnon conventus Rhodi domus eiusdem ad sacrosanctum Basiliense^b consilium^b universalem ecclesiam legitime representans legati, reformatores et nuncii cum potestate plenissima speciales et generales ad agendum, procurandum et gerendum omne id totum et quicquid ad^c supradictos et dictum ordinem exspectat vel exspectare poterit quoquomodo necnon ad infrascripta mandatum magis speciale habentes dilecto nobis in Christo nobili et venerando religioso domino fratri Wenceslauo de Michelsperg de baronum genere procreato, domus in Strakonitz dicti ordinis preceptori prioratus Bohemie, salutem in Domino sempiternam. Sane dudum reverendissimus in Christo pater et dominus, dominus frater Anthonius Fluuiiani, Dei gratia dicti ordinis magister iamdictus, nobis suas litteras direxit in hec verba, videlicet:

Frater Anthonius Fluuiiani etcetera et nos conventus Rhodi domus eiusdem capitulum generale celebrantes venerabilibus ac religiosis in Christo nobis carissimis fratribus Hugoni de Sarcus, priori prioratus nostri Francie, Petro Lamandi, procuratori generali nostro necnon religiosis in curia Roma(na), de Fieffes etcetera, et Racello de Auro, Ianue preceptoribus dicte domus, salutem in Domino et sagaciter vos in commissis habere. Cum venerabilis ac religiosus in Christo nobis precarissimus frater Hermannus Ow, preceptor nostre magne preceptorie Cipri, fuerit prior prioratus nostri Bohemie per nos constitutus etcetera, ut in registro de anno M CCCC XXXIII, die vero VIII Maii⁷⁵, nos itaque ad executionem huiusmodi matura desuper iuxta qualitatem temporis et circumstantias ipsius negotii deliberatione prehabita et certius informati legaliter – prout tenemur – procedere cupientes et considerando proinde, quod prioratus ipse Bohemie per eiusdem venerabilis fratris Hermannus de baronum genere procreati potentiam et industriam ad pauperum Christi custodiam fratrum dicti ordinis reductionem et ipsius prioratus comodum et reparacionem reduci non posse[t], eundem prioratum Bohemie de presentia nichilominus, consensu et voluntate venerabilis et religiosi fratris Remboldi Zuntru-

a–a) *eingefügt unten am Ende des Textes*

b) *so für concilium*

c) *über der Zeile*

75) Rhodos, 1433 Mai 8: AOM 350 fol. 5r–v.